



Broj: 05-04-20-3863-6/25
Maglaj, 09.10.2025. godine

Na osnovu člana 70., u vezi sa članom 64. stav (1) tačka b) Zakona o javnim nabavkama („Službeni glasnik BiH“, br. 39/14, 59/22 i 50/24), člana 25. Pravilnika o javnim nabavkama u Općini Maglaj („Službene novine Općine Maglaj“, broj 13/22) i člana 42. Statuta Općine Maglaj („Službene novine općine Maglaj“, br. 8/07, 3/08, 6/08 i 6/24), a u vezi sa Zapisnikom o pregledu i ocjeni ponuda, broj 05-04-20-3863-5/25 od 09.10.2025. godine, u postupku javne nabavke „Nadzor nad izvođenjem radova“, Općinski načelnik donosi

ODLUKU

o izboru najpovoljnijeg ponuđača

I

Prihvata se preporuka Komisije za javne nabavke i okvirni sporazum o nabavci usluga nadzora nad izvođenjem radova dodjeljuje se ponuđaču Project Manager „AT&ŠE“ d.o.o. Tešanj, u skladu sa ponudom broj 33-M/25 od 06.10.2025. godine, po ukupnoj cijeni od 10.888,88 KM bez PDV-a (ponuđač nije PDV obveznik).

II

Izabrani ponuđač iz tačke I obavezan je dostaviti dokumentaciju koja je tenderskom dokumentacijom utvrđena kao dokumentacija koju dostavlja izabrani ponuđač, u roku od pet dana od dana zaprimanja ove odluke.

III

Za realizaciju ove odluke zadužuje se Služba za urbanizam, geodetske i imovinsko-pravne poslove Općine Maglaj.

IV

Ova odluka dostavlja se svim ponuđačima koji su učestvovali u postupku javne nabavke i ima se objaviti na internetskoj stranici Općine Maglaj.

O b r a z l o ž e n j e

Odlukom o pokretanju postupka, broj 05-04-20-3863-1/25 od 24.09.2025. godine, pokrenut je postupak javne nabavke „Nadzor nad izvođenjem radova“, putem konkurentskog zahtjeva za dostavu ponuda, sa namjerom zaključivanja okvirnog sporazuma sa jednim ponuđačem na period od 12 mjeseci. Predmetna javna nabavka objavljena je na portalu javnih nabavki, obavještenje o nabavci broj 1140-7-2-114-3-102/25 od 24.09.2025. godine. Sažetak obavještenja o nabavci objavljen je u „Službenom glasniku BiH“, broj 56/25.

Procijenjena vrijednost nabavke je 33.333,33 KM bez PDV-a, odnosno 39.000,00 KM sa PDV-om. Kriterij za dodjelu okvirnog sporazuma je najniža cijena.

Predmetni postupak je, u skladu sa svojim nadležnostima, provela Komisija za javne nabavke imenovana Odlukom Općinskog načelnika, broj 05-45-1-926/25 od 22.05.2025. godine (u daljem tekstu: Komisija). U toku postupka, Komisija je zaprimila pristigle ponude, izvršila njihovo otvaranje, pregled i ocjenu, prema zahtjevima i kriterijima iz tenderske

dokumentacije, o čemu je sačinila odgovarajuće zapisnike, u skladu sa čl. 63. stav (5) i 65. stav (2) Zakona o javnim nabavkama.

U predmetnom postupku, Komisija je utvrdila da su blagovremeno zaprimljene tri ponude, prema redoslijedu zaprimanja kako slijedi:

r/ b	Naziv ponuđača	Sjedište ponuđača	Datum i vrijeme zaprimanja	Broj protokola
1.	"Inpros" d.o.o. Mostar	Huse Maslića 12, Mostar	03.10.2025. 09,50h	8825
2.	Institut za građevinarstvo "IG" d.o.o. Banja Luka	Kralja Petra I Karadorđevića 92-96, Banja Luka	03.10.2025. 09,50h	8826
3.	Project manager "AT&ŠE" d.o.o. Tešanj	Šije 18, Tešanj	06.10.2025. 08,47h	8873

Neblagovremenih ponuda nije bilo.

Sve zaprimljene ponude su prihvatljive prema formi, obliku i potpunosti, odnosno dostavljene su u zatvorenim kovertama, na kojima su bili navedeni svi podaci traženi tenderskom dokumentacijom. Komisija je potom, na zatvorenoj sjednici, izvršila pregled i ocjenu ponuda, provjeravajući da li iste ispunjavaju zahtjeve u pogledu forme, ponudene cijene, predmeta nabavke, kvalifikovanosti ponuđača i ostalih uslova traženih tenderskom dokumentacijom. Komisija je ponudu ponuđača „IG“ d.o.o. Banja Luka ocijenila prihvatljivom. Također je utvrdila da je cijena ponuda ponuđača "Inpros" d.o.o. Mostar i "AT&ŠE" d.o.o. Tešanj neprirodno niska, imajući u vidu procijenjenu vrijednost nabavke, te su ovi ponuđači pozvani da obrazlože ponudenu cijenu, u skladu sa članom 66. Zakona o javnim nabavkama, članom 17. stav (8) Uputstva za pripremu modela tenderske dokumentacije i ponuda, te članom 23. stav (5) Pravilnika o javnim nabavkama u Općini Maglaj. Oba ponuđača su blagovremeno dostavila tražena obrazloženja, u kojima su obrazložili elemente cijene i faktore koji su uticali na njeno formiranje. Komisija je prihvatila dostavljena obrazloženja cijene, te su i ponude ponuđača "Inpros" d.o.o. Mostar i "AT&ŠE" d.o.o. Tešanj ocijenjene prihvatljivim.

E-aukcija u predmetnom postupku nije održana, a konačna rang-lista prihvatljivih ponuda, prema kriteriju za dodjelu okvirnog sporazuma (najniža cijena) je sljedeća:

r/ b	Naziv ponuđača	Cijena / KM bez PDV-a	Cijena / KM sa PDV-om
1.	Project manager "AT&ŠE" d.o.o. Tešanj	10.888,88	10.888,88*
2.	"Inpros" d.o.o. Mostar	11.111,11	13.000,00
3.	Institut za građevinarstvo "IG" d.o.o. Banja Luka	24.222,22	28.340,00

**ponuđač nije u sistemu PDV-a*

Po završetku poslova koji spadaju u njenu nadležnost, Komisija je sačinila zapisnik o pregledu i ocjeni ponuda, u kojem je detaljno navela sve informacije relevantne za predmetni postupak, kao i preporuku rukovodiocu ugovornog organa da okvirni sporazum za nabavku usluga nadzora nad izvođenjem radova dodijeli ponuđaču Project manager "AT&ŠE" d.o.o.

Tešanj. Preporuka je, zajedno sa izvještajem o radu Komisije, dostavljena rukovodiocu ugovornog organa 09.10.2025. godine.

U postupku donošenja ove odluke, posebno su cijenjene činjenice da je Komisija, sastavljena od stručnih lica, pravilno i potpuno izvršila ocjenu kvalifikovanosti ponuđača, te ocjenu pristiglih ponuda, u skladu sa kriterijima iz tenderske dokumentacije. Ugovorni organ nije našao nepravilnosti niti propuste u radu Komisije, koji bi eventualno bili osnov za neprihvatanje date preporuke za dodjelu okvirnog sporazuma. Uvidom u priloženu dokumentaciju, utvrđeno je da je Komisija u svemu pravilno postupila, u skladu sa svojim ovlaštenjima i relevantnim propisima, detaljno obrazlažući svoje radnje u svim fazama postupka, zbog čega je ugovorni organ utvrdio da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Na osnovu izloženog, a primjenom člana 64. stav 1. tačka b) Zakona o javnim nabavkama, odlučeno je kao u dispozitivu.

POUKA O PRAVNOM LIJEKU: Protiv ove odluke može se izjaviti žalba Uredu za razmatranje žalbi, putem ugovornog organa, Općine Maglaj, u roku od pet dana od dana prijema ove odluke.

DOSTAVLJENO:

1. Ponuđači – putem maila
2. Služba za urbanizam, geodetske i imovinsko-pravne poslove
3. Web stranica
4. a/a



OPĆINSKI NAČELNIK

Maid Suljaković

